

AWIG-AWIG
DESA ADAT PENGOSEKAN



KECAMATAN UBUD

KABUPATEN DAERAH TINGKAT II

Desa Adat Pengosekan

GIANYAR

Desa Mas, Kecamatan Ubud, Kabupaten Gianyar

AWIG AWIG

SARGA I

Desa & Kecamatan Pengosekan

SARGA II, KAWILAN

SARGA III, SUKERI

- Palet 1. Indik Kasa
- Palet 2. Indik Kasa
- Palet 3. Indik Kasa
- Palet 4. Indik Kasa
- Palet 5. Indik Kasa
- Palet 6. Indik Kasa

- Palet 1. Indik Kasa
- Palet 2. Indik Kasa
- Palet 3. Indik Kasa
- Palet 4. Indik Kasa
- Palet 5. Indik Kasa

SARGA IV, SUKERI

- Palet 1. Indik Kasa
- Palet 2. Indik Kasa
- Palet 3. Indik Kasa
- Palet 4. Indik Kasa
- Palet 5. Indik Kasa

SARGA V, SUKERI

- Palet 1. Indik Kasa
- Palet 2. Indik Kasa
- Palet 3. Indik Kasa

Desa Adat Pengosekan

Desa Mas, Kecamatan Ubud, Kabupaten Gianyar

SARGA VII, SUKERI

SARGA VIII, SUKERI

PIDAGING MAKA BANTANG AWIG-AWIG DESA ADAT PENGOSEKAN

MURDHA CITTA

SARGA I. ARAN LAN PAWIDANGAN DESA

SARGA II. PATITIS LAN PAMIKUKUH

SARGA III. SUKERTA TATA PAKRAMAN

Palet 1. Indik Krama

Palet 2. Indik Prajuru/Dulun Desa

Palet 3. Indik Kukul SARGA I

Palet 4. Indik Paruman PAWIDANGAN DESA

Palet 5. Indik Druwen Desa

Palet 6. Sukerta Pamitegep :

Kaping 1. Karang Tegal lan Carik

Kaping 2. Pepayonan

Kaping 3. Wewangunan

Kaping 4. Wewalungan

Kaping 5. Bhaya

Kaping 6. Panyanggran Banjar

SARGA IV. SUKERTA TATA AGAMA :

Palet 1. Indik Dewa Yadnya

Palet 2. Indik Resi Yadnya

Palet 3. Indik Pitra Yadnya

Palet 4. Indik Manusa Yadnya

Palet 5. Indik Bhuta Yadnya

SARGA V. SUKERTA TATA PAWONGAN :

Palet 1. Indik Pawiwahan

Palet 2. Indik Nyapian

Palet 3. Indik Sentana

Palet 4. Indik Warisan

SARGA VI. WICARA LAN PAMIDANDA

Palet 1. Indik Wacara

Palet 2. Indik Pamidanda

SARGA VII. NGUWAH NGUWUHIN AWIG-AWIG

SARGA VIII. PAMUPUT

MURDHA CITTA

AUM, OM

OM SWASTIASTU, OM AWIGHNAMASTU NAMO SIDHAM

Putusing Sabha krama Desa Adat Pengosekan, gumawe awig-awig Desa Pakraman maka sepat siku-siku pamatut wastu kasidhan prayojanan mami kabeh prasama anghidep muwah amagehaken kadi linging awig-awig iki.

SARGA I

ARAN LAN WAWIDANGAN DESA

Pawos 1

- (1) Desa Adat puniki mawasta Desa Adat Pengosekan.
- (2) Jebar kakuwuh wawidangan nyane mawates :
 - a. Kaler : Desa Adat Padang Tegal
 - b. Kangin : Desa Adat Mas
 - c. Kelod : Desa Adat Loddunduh
 - d. Kawuh : Desa Adat Nyuh Kuning
- (3) Desa Adat Pengosekan kawangun antuk karang ayahan Desa, miwah karang guna kaya, wantah kalih Banjar tur kaepah dados tempekan :
 - a. Banjar Pengosekan Kaler
 - b. Banjar Pengosekan Kelod

Soang-soang Banjar taler kaepah dados 4 tempekan luire :

- a. Tempekan Kaler Kangin
- b. Tempekan Kaler Kauh
- c. Tempekan Kelod Kauh
- d. Tempekan Kelod Kangin

SARGA II

PATITIS LAN PAMIKUKUH

Pawos 2

- Desa Adat Pengosekan ngamangehang pamikukuh minakadi :
- a. Pancasila
 - b. Undang-Undang Dasar 1945

- e. Pamekas Pasal 18
- c. Perda TK.I Bali Nomor 06 th 1986
- d. Tri Hita Karana Manut Sada Cara Agama Hindu

Pawos 3

Patitis Desa Adat Pengosekan :

- a. Mikukuhin miwah ngarajegang Sang Hyang Agama
- b. Nginggilang Tata prawertine maagama
- c. Ngarajegang kasukertan Desa saha panogannya sakala niskala

SARGA III

SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika :
Kula warga sane maagama Hindu, sane ngamong karang
- (2) Sajaba punika sinanggeh tamyu

Pawos 5

Krama Desa wenten limang (5) soroh luire :

- a. Krama Ngarep, krama sane ngamong ayah waris para lingsir
- b. Krama Ngempi, krama sane ngayah sasampune alakirabi
- c. Krama Tapukan, krama sane ngarep, sane durung antes ngayah
- d. Krama Nyada, krama sane sampun lingsir, nenten mrasidayang ngayah utawi ngawit mayusa 70 warsa
- e. Krama Balu, krama sane katinggal seda olih lanang utawi istri nyane, utawi sangkaning nyapihan

Pawos 6

Kawit dados Krama Desa :

- a. Sangkaning ngamong ayah waris, utawi ngamong karang
- b. Mawiwit Pawiwahan

c. Mawiwit saking kayun ngaraga

Wusan dados krama :

a. Sangkaning : Pawos 7

Panumayan tedun makrama :

a. Kula warga tapukan sane sampun dados ngayah manut pararem

b. Ngawit pawiwahan, ngayah ngawit sasih kasanga (Nyepi)

1) Patut ngaturang karang ka Desa, prade karang punika karang Desa

Pawos 8

Sahanan Krama Desa sane keni tategenan luire :

a. Ayah Ngarep, urunan mamungkul

b. Ayah Ngempi, urunan atenga ayah ngarep

c. Ayah Balu, keni ayah lanang/wadon manut

a. kabaluannyane, urunan maungkul yening madruwe karang lan carik, atenga yening karang kemawon

d. Ayah Tapukan

e. Prade rikalaning ngayah, wenten sinolih tunggil krama sane matilar tan pasadok sadereng puput karya, wenang krama inucap keni pamidanda manut pararem, tanjek laler kawastanin

f. Krama sane makhayangan ring Padang Tegal, mendem sawa ring setra Pengosekan keni tategenan lan

b. upacara ring setra, Prajapati, Pura Dalem

paswaran Desa

c. Tigelis nyadokang Pawos 9 ng prajuru Desa melarapan

Krama Desa Kadadosang :

a. Mapuangkid utawi tan tedun

1) Rikala krama Desa keni giring, kaluasan nadak, lan ngalaksanayang Yadnya

2) Kengin Tempo wantah apisan, utawi manut uak-

a. uakan Prajuru

b. Nyada wakin pamutus sakteras wicaratanya

c. Nyade kengin paruman tur wenang sareng mastikayang

d. Nutug ayah antuk artha brana

e. Kadadosang madeg prajuru, manut pararem

Pawos 10

Wusan dados krama :

a. Sangkaning :

- 1) Pinunas ngaraga, manawi kesah ka dura desa utawi ngalangkungin sagara
- 2) Kanoroyang duaning tan prasida ngesehin solah maprawerti satata nguwig kecapin awig-awig

b. Sang wusan makrama :

- 1) Patut ngaturang karang ka Desa, prade karang punika karang Desa
- 2) Tan polih pahpahan sahananing padruwen Desa

Pawos 11

Swadharmaning krama, sewosan ring tategenan luire :

- a. Tinut saturut ring sadaging awig-awig, pararem miwah paswaran Desa Adat
- b. Tan maren ngutsahayang mangde Desane mrasidayang nyujur manut patitis.
- c. Tinut saturut ring Guru Wisesa

Pawos 12

Swadharman tamyu :

- a. Tinut saturut ring yasa kertin Desane
- b. Tan piwal ring sadaging awig-awig, pararem lan paswaran Desa
- c. Digelis nyadokang raga ring prajuru Desa malarapan ilikita pastika
- d. Yan tan manut pacang kairid saking Desa Adat/tan kalugra jumenek

Pawos 13

Piolihi-olihi krama luire :

- a. Polih pasayuban sakala niskala, tur kabawosin saha katiwakin pamutus sahanan wicaranya
- b. Nyarengin paruman tur wenang sareng mastikayang pamutus
- c. Kadadosang madeg prajuru, manut pararem

Palet 2

Indik Prajuru/Dulun Desa

Pawos 14

- (1) Desa Adat Pengosekan kaenter olih Bendesa Adat
Pengosekan
- (2) Banjar utawi Tempekan kaenter olih Kelian Banjar/Kelian
Tempekan
- (3) Bendesa Adat lan Kelian Banjar patut :
 - a. Mawiwit saking krama Adat Desa Pengosekan (wed)
 - b. Kaadegang melarapan antuk kacatri sajeronin paruman
 - c. nyabran limang (5) warsa
 - c. Maduluran Dewa Saksi ring Bale Agung lan Khayangan
 - d. Tiga

Pawos 15

- (1) Bendesa Adat kasangga olih :
 - a. Patajuh utawi pangliman pinaka wakilnya
 - b. Panyarikan pinaka juru surat
 - c. Patengen pangamong druwen Desa
 - d. Kasinoman pinaka juru arah
 - e. Kelian Tempekan
- (2) Kasinoman makweh nyane manut kawigunan miwah pararem
Desa.
- (3) Dulun Desa, Kelian Banjar, Kelian Tempekan wiadin Kelian
Manca ngawentenang ulu mawasta Kelian Pararem sane
mapidabdabang indik suka duka sajabag Desa Adat
Pengosekan.

Pawos 16

- (1) Swadarmaning Bendesa/Dulun Desa luirewa:
 - a. Ngenterang palaksanaan awig-awig miwah pararem Desa.
 - b. Nuntun tur ngenterang krama ngulati manut patitis.
 - c. Mawosin kalih nibakang pamutus arep ring wicara
warga Desa.
 - d. Maka duta Desa matemuang bawos ring sapisira ugi.

- (2) Prade dulu-dulu iwang palaksana, keni pamidanda nikel ring kaiwangan Krama, saha kangkat kararyanang manut pararem.

Pawos 17

Patias utawi olih-olihan Prajuru Desa Adat luire :

a. Luput manuk ring sakancan urunan.

b. Patias siwosan manut pararem

Desa/Prajuru sajawaning bhaya

(2) Sang nepak tan sangkani Pawos 18

Bendesa/Dulun Desa kagentosin riantukan

a. Seda

b. Sungkan lami (banget)

c. Wit saking kayun rahayu

d. Kanorayang duaning iwang pamargi lan sasana

(1) Paruman sangkep ring Palet 3

a. Paruman Kawenteng Indik Kukulut

b. Paruman Kawenteng Indik Paruman

c. Paruman Kawenteng Indik Paruman

(1) Kukul ring Desa luire :

a. Kukul Desa

b. Kukul Banjar

c. Kukul Pamaksan

d. Kukul Sekaa-sekaa utawi ngelaksanayana

(2) Tabuh tatepakan Kukul Desa :

a. Atulud lamban lantang, tatengeran tedun

b. Kukul bedil, tatengeran wenten walikur

c. Atulud ngalad lantang alon, tatengeran makarya

(3) Tatengeran Kukul Banjar :

a. Atulud lantang, tatengeran tedun makarya

b. Kukul ngalad lantang, kalayu sekaran

c. Kukul tigang klentungan, ngarorod

d. Kukul atulud bulus kapuwunan (geni bhaya)

e. Kolih tulud bulus pangamukan/kamalingan (jiwa/artha bhaya)

f. Tigang tulud lamban, sampun trepi

- g. Atulud lantang alon, urung makarya
- h. Kukul Sekaa atulud lantang, tedun makarya lan dados ngangge tengeran kukul siosan/nyawerin tengerin bhaya

Pawos 20

- (1) Kukul Desa utawi Kukul Banjar tan dados/tan wenang katepak yening tan sangkaning pituduh Kelian/Dulun Desa/Prajuru/sajawaning bhaya ha Desa kapungkur
- (2) Sang nepak tan sangkaning pituduh Kelian/Dulun yewedalan Desa/Prajuru, patut kapidanda manut pararem krama Desa ring paruman

Palet 4

Indik Paruman

Indik Orwasen Desa

Pawos 21

- (1) Paruman/sangkepan ring Desa Adat Pengosekan kawentenang:
 - a. Paruman kawentenang arahan manut kawigunan nyane
 - b. Prade krama Desa sampun napak ring genahe parum
 - c. Nenten kadadosang makta gegawant
- (2) Paruman Desa utawi Banjar madudonan sakadi ring sor :
 - a. Para krama Desa wiadin Banjar sami ngangge busana adat madya
 - b. Ngangge banten cane
 - c. Maka sarana janggi, utawi ngelaksanayang panyacak/ngetik
 - d. Tan kalugra ngawentenang suara gora utawi biota, yan wenten asapunika keni kapidanda manut pararem
 - e. Pamutus babawos briuk sapanggul (ingkup) salunglung sabayantaka punika kasungkemin
- (3) Prade pamutus paruman tan kaingkupan mangda Prajuru/Dulun Desa ngilikang babawosan, saha putusannya kararemin oleh krama Desa

1) Rejang

2) Pandet

Pawos 22

- (1) Sajeroning paruman Desa, Bendesa patut :
 - a. Nyiarang pamargin ngenterang Desa Adat

b. Munjuk Lingsurin pakraman saha ayah-ayah, sulur arta
brana druwen Desa

c. Ngrincikang nganinin usaha Desa kapungkur

(2) Pamutus paruman Desa, sinanggeh pararem maka pamitegep
daging awig-awig

Pawos 23

(1) Sangkepan Prajuru/Dulun Desa kawenangang wantah

(1) ngrincikang pangerencana usaha Desa kapungkur

(2) Sangkepan Prajuru/Dulun Desa tan kawenangang ngawedalan

tategenan ring krama, sadereng kaingkupan olih krama

Desa ring paruman

Palet 5

Indik Druwen Desa

Pawos 24

(3) Tan kaluwa ngadol utawi ngesahang padruwen Desa.
Padruwen Desa Adat Pengosekan sakadi ring sor :

a. Khayangan Desa :

1) Khayangan Tiga

2) Pura Dhang Khayangan, manut sekadi arestannyane
sampung mamargi, kasukserahang ring
pangempon/pamaksan soang-soang

3) Catur Buana

4) Bale Desa

5) Karang Ayahan Desa

6) Tegal ngawawahan sareng inucap artuk bembek

7) Carik/Laba Pura

8) Setra

9) LPD Desa Adat Pengosekan

b. Lelangunan :

1) Gong Kebyar

2) Barong

c. Ilen-ilen Wali :

1) Rejang

2) Pendet

Piolih-olihan Desa Adat luire :

- a. Saking palaba Pura
- b. Dana Punia saking kulawarga Desa
- c. Urunan saking kulawarga Desa
- d. Usaha Desa

- (1) Prajuru/Dulun Desa wenang ngetangang pamupon laba lan sapanunggalan druwen Desa
- (2) Pikolih lan pamuponia kaanggen prabea piotalan saha wewangunan ring pura
- (3) Nyabran pasangkepan Desa, Prajuru pangamong druwen Desa nyihnyang pariindik munjuk lungsurin padruwen Desa
- (4) Sakaluring padruwen Desa, patut wenten ilikitania
- (5) Tan kalugra ngadol utawi ngesahang padruwen Desa

Palet 6

Sukerta Pamitegep

Kaping 1

Karang Tegal lan Carik

- (1) Krama Desa pangamong karang Desa, tanah sane tan keni tigasana patut ngawatesin karang inucap antuk tembok utawi pagehan/turus mangda pakantenanya asri
- (2) Wates sisi kaler miwah kangin patut kakaryanin olih sang sane nuwenang karang ayahan inucap, sane mawasta gegaleng kaluwan. Sajawaning tanah pacatu : carik, tegal utawi tanah padruweyan ngaraga sane kapiara wates sisi kelod miwah kauh, utawi manut dresta, reh punika mawasta gegaleng kateben.
- (3) Prade karasayang pagehan inucap ngalikadin yan pada arsa panyandingania kengin watese nganggen pinget kasaksinin olih Prajuru/Dulun Desa utawi pracihna pal saking sang ngawawenang.

- (4) Prade wenten karang kabebeng, mangda kautsahayang wenten pamarginia.

Pawos 28

- (1) Sinolih tunggil krama Desa/Banjar tan kalugra :
- Ngalah-alah margi, tegal ayahan Desa, karang Desa
 - Ngalah-alah tanah linggih khayangan, tegak setra lan sakancan linggih sane sinanggeh suci

- (2) Prade wenten sakadi ring ajeng, sang ngelahlah patut ngawaliang tanah inucap saha keni pamidanda sapatutnia, kadulurin upakara prade pangelahlah ring pategalan lan tanah suci.

b. Ngangge Sukat Asta Bumi miwah gagulak Asta Kosala Kosala, kaniatani **Kaping 2** ng patitis niskala.

c. Ica nyayubin kapi **Pepayonan** tanah suci.

- (2) Prade wewangunan jantos nyayubin bilih-bilih remboke ring telenging wates, Pawos 29. Kawara tur kasadokang

- (1) Ngawit nandur pepayonan tanem tuwuh patut adepa agung (2,5 M) ngajerowang saking wates. Prade jantos ngaliwat wates wenang kasepat gantungin.

- (2) Yaning wenten tetanduran ngungkulin samoliha mawastu nawonin/nyayubin kapisaga, patut kawara antuk paiguman ping ajeng prasida sang nruwenang wit ngerebah utawi

- (3) Prade sampun kawara taler tan wenten usaha sang nruwenang wit, sang rumasa katetehan wenang masadok ring

- Prajuru/Dulun Desa, tur risampun kaparitatas, kalugra ngicalang wit inucap, sakewanten patin pepayonan patut katawur manut pangaloika sane nepasin.

4. Sang keni pamidanda panyakara saha prabea manut pararem arep, ring wewangunan sane karubuhin luiire :

a. Sang nruwenang wit sinanggeh naonin/nyayubin prade pungkut ngarubuhin wewangunan krama tios.

b. Sang notor/munggul utawi ngarebah tur ngarubuhin

- (2) Prade krama tios.

- (5) Krama Desa patut nabdab tetanduran kadi ring sor :

a. Ring Utamaning Mandala wenang nandur sarwasari.

b. Ring Madya Mandala wenang nandur sarwa daging
utsaha.

c. Ring Nistaning Mandala wenang nandur sarwa atanem
tuwuh miwah sarwa woh/pala.

Kaping 3

Wewangunan

Pawos 30

(1) Nyabran ngawangun patut :

a. Masadok ring Prajuru/Dulun Desa ping ajeng prade
wewangunan nganinin wates.

b. Ngangge Sukat Asta Bumi miwah gagulak Asta Kosala
Kosali, sanistania manut ring patitis niskala.

c. Tan nyayubin kapisaga, wiadin tanah suci.

(2) Prade wewangunane jantos nyayubin bilih-bilih temboke
ring telenging wates, risampun kawara tur kasadokang
ring prajuru wenang kadanda manut pararem saha tembok
inucap kagubar utawi sanistania kakaryanang abangan.

(3) Krama Desa kapatutang ngutang luhu ring genahe sane
sampun katragiang.

(4) Yan prade ngutang luhu rikala yadnya, pamekas butha
yadnya, patut kabasmi utawi kapendem.

(5) Sapasira ugi lempas ring kecap 3 lan 4 kapidanda manut
pararem.

Kaping 4

Wewalungan

Pawos 31

(1) Sahanan warga Desa sane madruwe wewalungan patut sayaga
negul/ngelogor mangda tan ngarusakin karang wiadin

paabianan krama sios, bilih-bilih jantos ngaranjing
ngaletihin Khayangan.

(2) Prade wenten wewalungan malubar utawi ngeleb ngarusukin
pakarangan/paabianan krama sios, risampun kawara kengin
kataban, tur kadanda ngawaliang wit sane karusak, saha

naur panebus papiaran tetaban manut pangeloika
Prajuru/Dulun Desa.

- (3) Prade jantos ngaletihin linggih suci minakadi pamrajan,
risampun kaparitatas olih Prajuru/Dulun Desa, wenang
sang nruwenang kadanda matabuh Agung, tebasan prayascita
dur manggala utawi Panca sata makerep bebek belang
kalung, prade jantos ngaletihin khayangan tiga utawi
Pura Pamaksan.
- (4) Krama Desa patut nyanggra wewalungan miwah sarwa prani,
tan patut ngamademang paksi, miwah nuba ulam miwah sane
siosan. Yan wenten malaksana sakadi punika keni
pamidanda manut pararem tur kaaturang ring sang
ngawawenang.

ring pangapit panah sampex, maka buatan
pangaranjaga.

Kaping 5

Bhaya

c. Pamodal kasangka kadangkala sakan, makacihna
pangaran sakalabing sarung.

Pawos 32

- (1) Pariindik bhaya luire :
 - a. Jiwa Bhaya
 - b. Artha Bhaya (Kapandangan)
 - c. Duracara ring Agama
- (2) Sang manggihin kahanan Jiwa Bhaya patut nepak kulkul
bulus mapitulung.
- (3) Prade ring Desa kahanan Jiwa Bhaya patut Desane adanya
ngaturang Butha Yadnya, tur sang mayanin katur ring sang
ngawawenang.
- (4) Prade wenten jatma mamisuh utawi nguman-uman jatma tios
kakaninin pamidanda biya paneamil tebasan prayascita.

ngantos wengi, katuran pangangu kaping kalih.

Pawos 33

- (1) Sang manggihin kahanan artha bhaya (kamalingan) patut
ngulkul mapitulung.
- (2) Pratingkahe mapailon ring dusta kabawos saruron, prade
wenten jadma manggihin maling tan nyadokang ring
Prajuru, jantos jadma tios nyaduang patut kadanda kadi
dandaning maling, sakweh pangargan wit manut cacakan

Banjar, tur prade jantos ping tiga malaksana asapunika wenang kasukserah ring sang ngawawenang.

- (3) Prade wenten jadma ngarereh reramuan minakadi daun kelapa, ron, tanpasadok ring sang nruwenang wit, prade kacunduk (katara) patut kadanda kadi dandaning maling.
- (4) Yaning wenten jadma ngeranjingin pakubon wiadin pakarangan jadma tios rikala suwung, mawastu sang madruwe karang kaicalan wenang jadma inucap katuwekang antuk madewa saksi ring Pura Bale Agung.
- (5) Mangda nenten katuwekang kadi ring ajeng, asing-asing ngaranjingin pakubon jadma tios patut :
 - a. Matengeran suara (makaukan).
 - b. Ngantos sang madruwe karang/umah rawuh utawi masadok ring pangapit pinih tampek, maka buatan pangaranjinge.
 - c. Pamedal karangnia kadagingin sawen, makacihna pangarah rikalaning suwung.

Kaping 6

Panyanggran Banjar

Pawos 34

Krama Banjar ritatkala ngawawenang karya Suka Duka, patut kasanggra antuk :

- a. Prade ngawangun Pitra Yadnya utawi Manusa Yadnya manut pinunas Sang mayadnya.
- b. Pangrombo utawi kakaryan krama jantos ping patpat, langkungan ring punika patut katurang pangingan nganutin abot dangan kakaryan, prade saking semeng ngantos wengi, katuran panguku kaping kolih.

- a. Pura Balem Tan Prajapati : Krama Desa
- b. Pura Desa/Bale Agung : Krama Desa
- c. Pura Mentasari : Panaksan
- d. Pura Pengajaran : Panaksan

SARGA IV
SUKERTA TATA AGAMA

Palet 1
Indik Dewa Yadhya

Pawos 35

- (1) Palinggih panyiwian sawawidangan Desa Adat Pengosekan :
- Khayangan Tiga :
 - Pura Desa/Bale Agung
 - Pura Puseh
 - Pura Dalem lan Prajapati
 - Pura Mertasari
 - Pura Penataran
 - Pura Pancer
 - Pura Taman Limut
 - Pura Melanting
 - Pura Catur Buana
- (2) Rahina piodalalan soang-soang khayangan inucap kadi ring sor puniki :
- Pura Dalem lan Prajapati, Anggara, Kliwon, Tambir
 - Pura Desa/Pura Bale Agung, Buda, Umanis, Tambir
 - Pura Mertasari, Anggara, Kliwon, Medangsia
 - Pura Penataran, Buda, Kliwon, Pahang
 - Pura Taman Limut, Buda, Wage, Menail
 - Pura Pancer, Buda, Umanis, Perangbakat
 - Pura Melanting, Buda, Wage, Klawu
 - Pura Catur Buana, Saniscara, Kliwon, Landep
- (3) Pangaci ring Pura inucap manut kecap sastra agama saha kalaksanayang nista, madya, utama, nganut kawentenan lan pararem.
- (4) Pangempon soang-soang pura manut dresta kadi ring sor puniki :
- Pura Dalem lan Prajapati : Krama Desa
 - Pura Desa/Bale Agung : Krama Desa
 - Pura Mertasari : Pamaksan
 - Pura Penataran : Pamaksan

- e. Pura Taman Limut : Pamaksan
- f. Pura Pancer : Pamaksan
- g. Pura Melanting : Krama Banjar
- h. Pura Catur Buana : Krama Banjar

Pawos 36

- (1) Ring soang-soang pura inucap patut kaadegang Pemangku.
- (2) Ngadegang Pemangku nganut dudonan :
 - a. Turunan utawi ngawaris
 - b. Nyanjan
 - c. Kacatri olih Krama Desa
- (3) Tan kawenang angge Pemangku luire :
 - a. Cedangga, makadi peceng, perot, cungh, tukang lan sapanunggalannia.
 - b. Sang sapisira ugi sane tan kapatutang manut pararem
 - c. Sakit Ila, Ayan, Buduh, utawi Edan
 - d. Sang sane nenten madrebe kasucian urip
- (4) Prabea kapamangkuan :
 - a. Adiksa Widhi (Ngawintenin) kalaksanayang olih sang ngadegang makadi Krama Desa utawi pamaksan.
 - b. Mapitra Yadnya riwekas patut kalaksanayang olih jagat Pengosekan sanistania Brahma prayascita (bangkit siki) manut pararem.
- (5) Pamangku patut ngamanggehang sesananning Pemangku luire:
 - a. Manut Sastra Agama
 - b. Manut Dresta ring Desa Adat

Pawos 37

- Swadarmaning Pemangku luire :
- a. Ngenterang upacara ring khayangan utawi ring soang-soang pakubon Krama.
 - b. Prade salah sinunggil Pamangku kapialang kengin nguntap Pamangku tiosan, utawi nuwur sang Sulinggih.
 - c. Yan sampun pemangku ngayah ring pura, kancit wenten kulawargania kalayu sekaran, pemangku inucap tan keni cuntaka, sakewanten Pemangku tan budal salami piodalan.

Pawos 38

Pituas utawi olih-olihan Pemangku luire :

- a. Penyolasan miwah sesarin Canang ring soang-soang pakubon Krama.
- b. Upon pelaba carik miwah tegal
- c. Luput ring getikan krama
- d. Patias siosan manut pararem

Pawos 39

(1) Pemangku kagentosin riantukan :

- a. Pinunas ngaraga, manawi kageringan lan sapaunggalania.
- b. Seda

(2) Prade Pemangku kawusang sangkaning malaksana sane tan patut patut keni pamidanda manut pararem saha ngawaliang prabya pawintenannya pecak.

Pawos 40

Kasukertan Khayangan kadi ring sor :

a. Tan kalugra ngeranjing ka Pura luire :

- 1) Sang katiben Catur Cuntaka
- 2) Makta sahanan barang sinanggen ngeletehin
- 3) Sato Ageng, sajawaning rikala mapapada
- 4) Mabusana tan manut kadi tata caraning ngeranjing ka pura
- 5) Sadereng polih pituduh Dulun Desa

b. Pratingkahe tan manut ring Pura :

- 1) Masumpah (cor) sajawaning pituduh Prajuru
- 2) Makobetan, masesenengan, makolem dados asiki lanang wadon, mabacin, mawyawahara, nyangsang busana, menahin pusungan, (santukan punika rikala majejaitan patut ngelung busung macongger lidinia) lan tan dados macecepin rare

c. Mungghah tedun palinggh sajawaning pituduh Prajuru.

d. Sang mamurug kecap ring ajeng keni pamidanda pamerayascita sapatutnia.

Pawos 41

- (1) Yan wenten jadma karawuhan ring Pura, kengin kapintonin prade rumasa kasangsayan, yan tan wiakti, jadma inucap kasisipang manut pararem.
- (2) Prade kahyangan kahanan dur manggala minakadi bhaya Pamangku utawi sang manggihin patut digelis nyadokang ring Prajuru, mangda marumang Krama Desa tur ngawentenang pamerayascita sapatutnia.

Swadarmaning lan katengen prade sinelitunggil kalayu
sekarang :

Palet 2

Indik Rsi Yadnya

- 1) Nyadokang ring Kalisan Banjar, puras talinbangan ring Kawentenang Pawos 42
- (1) Sajawaning Pamangku, sang pacang madeg Pinandita minakadi Balian Konteng, Kubayan, Dalang sakaluring jagi ngenterang yadnya patut masadok ring Bendesa utawi ring Parisadha Hindu Dharma Indonesia.
- (2) Dulu-dulu patut ngawas nitenin ngalangin prade wenten kacihnan lempas ring kecaping drestane, tur sareng nyaksinin upacara saha nyobyahang ring paruman Desa tegap rawuhin wates kawenangania ngenter yadnya.
- (3) Krama Desa patut ngaturang ayah sapamadeg miwah ring pangelepas sang sulinggih riwekas, katuntun olih Prajuru.

Pawos 43

Sang Sulinggih/Pamangku patut ngariyinin muputang ring wawidangan Desa Pengosekan, wus punika wawu muput yadnya kajebar tios Desa utawi ka dura Desa.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

- a. Pangupakaran sang kalayu sekarang :

1) Antuk mendem utawi ngeseng, makacihna pakingsan ring ibu pratiwi utawi ring geni selami nuptupang prabeya.

2) Atiwa-tiwa (upacara pangabenan)

b. Upacara Pitra Yadnya ngawit pangabenan ngeraris munggah daun bingin (ngroras).

Pawos 45

Swadarmaning lan tategenan prade sinolihtunggil kalayu sekaran : upacara pamegat saking krama madruwe kapademan.

a. Sang kaduhkitan patut : kapendem ngedat manik.

(3) Conto 1) Nyadokang ring Kelian Banjar, nunas tatimbangan bedun makring kawentenania, ngoreng, jantés rahina macara

ring 2) Ngaturin Banjar ngarombo makarya eteh-ete

(4) Sane kat sawa, kadulurin katuran panyambrama canang

a. Sang sasidan antuk ring ngrombo nganter ka setra.

b. Swadarmaning Banjar/Desa :

1) Kelian Banjar maritatas pamargin sang

Sane kaduhkitan napike pacang kapendem, makingsan

Sang riin utawi lantur kaabenang.

2) Prade kapendem raris kawentenang kulkul patahu

oli olah Kelian Banjar utawi wakilnia.

3) Panyanggran Banjar salanturnia :

- soang-soang Krama Banjar nedunin nabing

antuk beras, jinah sasidan-sidan.

- ngarombo ngaryanin eteh-ete sawa, saha

a. Sawa kasarengin olih krama sane rawuh maaksian.

c. Tan kengin ngalelet langkungan ring 7 (pitung)

d. rahina tur patut polih pangebagan manut paetangan Kelian Banjar. sawa karesian.

d. Tan kalugra nginepang bambang miwah mendem rikala,

semut sadulur, Kala Gotongan, Was Panganten, Pasah,

Kajeng Kliwon, Ingkel Wong, Soma Umanis Taulu,

Prawani, Purnama, Tilem, miwah rarainan jagat.

e. Prade wenten kalayu sekaran rikala piodalan, kengin mendem tanpa sadok tur mamargi nyilib, risampune

b. engseb surya.

Pawos 46

- (1) Sane kasinanggeh kacuntakan sakadi ring sor :
 - a. Sebel ring raga (ring para istri)
 - b. Sang sane ngamedalang rare
 - c. Sang katiban kalayu sekaran
- (2) Sengker cuntaka, manut kawentenania : *mendes*
 - a. Salami tigang rahina sesampun upacara pamegat saking pangapit lan Banjar.
 - b. Salami 12 rahina saking risampun kalaksanayang upacara pamegat saking krama madruwe kapademan.
 - c. Salami 42 rahina prade kapendem ngadut manik.
- (3) Cuntaka pangabenan ngawit saking kulkul Krama Banjar *ngewangun* ← tedun makarya utawi rahina ngoreng jantos rahina macaru ring setra olih sane ngelaksanayang atiwa-tiwa.
- (4) Sane katiba cuntaka luire :
 - a. Sang sane ngarep kalayu sekaran/pangabenan
 - b. Pangapit lan sameton sapinda
 - c. Krama Banjar
- (5) Sane tan katiban cuntaka luire :
 - a. Sang Sulinggih/Pamangku
 - b. Rikala piodalan ring kahyangan jagat, risampun pangalang sasih utawi risampun nyengker dewasa (Dewasa Kekeran) lan Manca Kerta.

Pawos 47

- (1) Atiwa-tiwa/Pangabenan kalaksanayang antuk :
 - a. Sawa Prateka, pangabenan kalaksanayang malarapan wenten sawa/layon.
 - b. Sawa Resi, Pangabenan mawatang ngagah taulan tur masrana antuk sawa karesian.
 - c. Suwasta, pangabenan puniki kalaksanayang duaning sawa tan kakeniang ngangge pangawak antuk lalang utawi toya.
- (2) Panumayan pangabenan sakadi ring sor :
 - a. Ngaben dadakan/bah bangun kadadosang sajeroning 3 utawi 7 rahina.
 - b. Ngaben ngamasa :
 - 1) Ngaben magepyuk ring Banjar sabilang 3 masa

- 2) Ngaben soang-soang sabilang 4 masa
- c. Dudonan pangabenan kawit saking ngagah (seda) ngeseng jantos pangiriman utawi nganyut.

Pawos 48

- (1) Pepatusan pangabenan wenten kolih soroh :
 - a. Ngaben ngamasa luire :
 - 1) Beras
 - 2) Kelapa
 - 3) Gesing, lan sane sewosan manut pararem
 - b. Ngaben dadakan pateh sekadi ngaben ngamasa
 - c. Lan sane siosan manut pararem.
- (2) Pangingune ring Banjar manut abot dangan kakaryan lan manut pararem.

Palet 4

Indik Manusa Yadnya

Pawos 49

- (1) Manusa Yadnya inggih punika upacara/Dharma ning manusa, ngawit saking patemonin Kama Petak kalawan Kama Bang sajeroning garba ngantos kalayu sekaran riwekas.
- (2) Upacara kadi ring ajeng madudonan sakadi ring sor :
 - a. Magedong-gedongan
 - b. Duk sang Kama Reka medal
 - c. Kepus Udel
 - d. Roras rahina
 - e. Tutug kambuhan (42 rahina)
 - f. Tigang sasih (3 sasih)
 - g. Pawetuan (oton)
 - h. Tutug-Kelih utawi yadnya sese nyabtan wadas
 - i. Matatah/mapandes
 - j. Mawiwaha
 - k. Mawinten
- (3) Upacara inucap Nista, Madya, Utama manut sastra agama lan dresta.

Palet 5
Indik Butha Yadnya

Pawos 50

- (1) Butha Yadnya inggih punika upacara upakara pabyakala ring pratiwi lan kahyangan, sarwa prani, miwah piranti saha upacara ring babutan luire :
 - a. Ring sarwa lelandep/Sanjata rikala Saniscara Kliwon Landep.
 - b. Ring sarwa tumuwuh rikala Saniscara Kliwon Wariga
 - c. Ring sarwa wahana rikala Saniscara Kliwon Kuningan
 - d. Ring sarwa lelangunan rikala Saniscara Kliwon Krulut
 - e. Ring sarwa ingon-ingon rikala Saniscara Kliwon Uye
 - f. Ring sarwa reringgitan/ukiran rikala Saniscara Kliwon Wayang
 - g. Upacara pakala-kalaan ring manusa manut widana kabawos pabyakala
- (3) Upacara pabyakala ring pratiwi, kahyangan lan bebutan kawastanin macaru.
- (4) Pacaruan inucap ring ajeng nista, madya, utama manut wiguna kadi ring sor :
 - a. Eka Sata
 - b. Panca Sata
 - c. Panca Sanak
 - d. Resi Gana
 - e. Tawur Agung
 - f. Panca Kelud
- (5) Sajawaning kadi ring ajeng kawentengang upakara :
 - a. Majot-jotan utawi yadnya sesa nyabran wusan ngerateng.
 - b. Masapuh-sapuh rikala pacang wali ring Pura.

Pawos 51

- (1) Nangken ngawarsa rikalaning Tilem Kasanga kawentenang Tawur Kasanga kalanturang antuk ngerupuk, maka cihna pacang mapag rahina panyepian benjangne.

- (2) Brata panyepian sane kamargiang olih Krama Desa
Pengosekan :
 - a. Mati Geni, tan kengin maapi-api
 - b. Amati Karya, tan kengin nyambut karya
 - c. Amati Lelanguan, tan kengin maoneng-onengan, masuara
gora lan sapamunggalnia.
 - d. Amati Lelungan, tan kengin malancaran.
- (3) Pabratan inucap kamargiang sakeng semeng ngantos benjang
semengne.
- (4) Sang mamurug kecap ring ajeng keni pamidanda manut kadi
pararem Banjar/tempek soang-soang kamargiang olih
patelik (pacalang Desa).
- (5) Riwus rahina Nyepi (benjangne) maka cihna ngawit Içaka
warsa patut warga Desa sami ngaksama/Dharma Santi.

SARGA V

SUKERTA-TATA PAWONGAN

Palet 1

Indik Pawiwahan

Pawos 52

- (1) Pawiwahan inggih punika patemon purusa pradana,
malarapan panunggalan kayun suka lila kadulurin upasaksi
sakala niskala.
- (2) Palaksanaan pawiwahan luire :
 - a. Pepadikan
 - b. Ngarorod, merangkat riin wawu kakrunayang
 - c. Nyeburin, utawi sentana nyeburin (risampun nganutin
upakara paperasan).
- (3) Pidabdab sang pacang mawiwaha patut :
 - a. sampun munggah deha wiadin teruna manut kadi UU No.1
th 1974.
 - b. Sangkaning pada lila (tanpa kapaksa)
 - c. Nganutin kecap sastra agama (tan gamya gamana)
 - d. Kasudi wadani, prade pangambile tios agama, utawi ka
patiwangi.

- (4) Pamargin pawiwahane mangda taler nganutin Undang-undang perkawinan saking sang Ngawawenang.

Pawos 53

- (1) Pawiwahan sane kapatutang ring Desa Adat Pengosekan sakadi ring sor :
- Sampun kamargiang pabyakalan utawi pasakapan kasaksiang sakala niskala olih sang muput.
 - Wenten pasaksi dulu-dulu sane mapakelingang utawi ngilakitayang pawiwahan.
 - Sampun matengeran suaran kulkul.
 - Pawiwahan inucap ring ajeng sampun kailakitayang ring sang ngawawenang.
- (2) Parabian sane tan manut kadi ring ajeng sinanggeh tan patut (tan syah).
- (3) Para warga patut madelokan ring sang ngarorod makta beras sasidan-sidan.

Pawos 54

Tata caraning parabian manut kadi ring sor :

- Sapasira ugi pacang ngawarangang pakulawargan patut masadok ring prajuru, salanturnia prajuru maritatasang manut tan manut indik parabiane.
- Pamargin papadikan manut dudonan :
 - Pakrunayan jantos ping tiga soang-soang sakala: malarapan :
 - Antuk Canang
 - Antuk Canang Pangrawos
 - Antuk tipat bantal, kabawos pamuput makpapadikan.
 - Risampun puput raris sang istri kaajak budal ring pakubon sang lanang, saha kalanturang antuk pabyakalan.
 - Mangda puput sakala niskala, raris kulawarga purusa makta pajati ring mrajan wadone.
- Prade ngarorod/mrangkat, patut :
 - Reraman lanange ngawentenang pamiluku/pajati duta, sakirangnia duang diri.

- 2) Pagenahan antene tan kengin ring pakubon sang lanang sadereng mabyakala.

d. Sajeroning pakrunan/pangelukuan patut :

- 1) Kamanggala antuk geng pangampura arep ring reraman wadone.
- 2) Kaigumang indik pangidih utawi palegayan arep ring pasewakan sang ngidih saha dewasa pakerab kambiane riwekas.
- 3) Kacihnayang indik ka-purusa utawi prade sentana rajeg kajejerang patut ngidih anak lanang sane kabawos pawiwahan nyeburin, tur risampun pamerasan kategepin, kamanggehang sentana nyeburin.

- 4) Prade tan terima pajati, pakrunan kamargiang jantos ping tiga.

e. Pakerab kambean mapiteges upacara tinas apadang (puput) mapikuren, duaning manut kadi ring sor :

- 1) Sajeroning kabawos ngambe kalaksanayang ring sakala niskala antuk sarana jejauman miwah pawidi widana.
 - a) Jejauman pinaka ngambe/ngadungang kayun soang-soang pakulawargan wadone.
 - b) Widhi widana pinaka pajati niskala nunas wadone ring pamrajanya.

2) Sajeroning bawos kerab palaksanaan ring sakala:

- a) Antuk panyaksi krama Banjar duaning kakerabang, malarapan saksi Prajuru.
- b) Antuk tengeran kulkul
- 3) Para warga patut madelokan ring sang nganten makta beras sasidan sidan.

Palet 2

Indik Nyapian

Pawos 55

- (1) Pawiwahan prasida kawusang malarapan antuk palas parabian utawi kapademan.

- (2) Wusan mapikurenan riantukan salah sinunggil seda mapiteges balu makadi balu lanang/istri.
- (3) Palas parabian wenten kolih pawos, inggih punika sangkaning pada lila miwah mawiwit wicara.
- (4) Sang ayat palas marabian patut atur supekta pailikitaan riyin ring sang rumawos, wastu tinas apadang pamutuse kabawos nyapian, wawu Prajuru nyobyahang kawentenania ring Desa saha kenipanebus suwaran kulkul manut pararem.

Pawos 56

Tata cara palas parabian sangkaning pada lila sakadi ring sor :

- a. Nawur prabea pasaksi sinolih tunggil sami matenga
- b. Pagunakayan polih pahan pada sadok jantoe 6 (enem)
- c. Pabekel, tatadan soang-soang kakuasa niri-niri, yan warisan kakuasa olih purusa
- d. Ngaweruhin miwah ngupajiwain prati sentana manut swadarmaning guru rupaka
- e. Nawur panumbas suwaran kulkul manut pararem
- f. Ngelung jinah manut pangeloika Prajuru

Pawos 57

Prade riwekas sang palas kacihnayang adung molih patut :

- a. Ngalaksanayang pawiwahan molih
- b. Kadanda nikel saking palase, yadiastun wit palase sangkaning pada lila.

Pawos 58

(1) Sang balu kabinayang dados :

- a. Balu luh wit sentana (sentana rajeg) miwah balu luh boya sentana.
- b. Balu muani kapurusa (wit sentana) miwah balu muani nyeburin (boya sentana).

(2) Swadarmaning balu inucap patut :

- a. Ngamanggehang pati brata, tan kengin ngamargiang paradara/Drati krama.

- b. Nguwasayang waris, pagunakayan tan dados ngadol, ngadeang, makidihang lan siosan punika, sajawaning polih kabebasan saking pianak utawi kulawarga pinih tampek saking kurenania prade pianak kantong alit-alit.
 - c. Kengin ngidih sentana prade wenten pidabdab sadurung sinolih tunggil padem, saha kabebasan olih kulawarga sinanggeh kapurusa.
 - d. Kawenangang mawiwaha molih prade wenten kabebasan anut nomer 2 ring ajeng.
- Balu kaucap tan pagen sakadi ring sor :**

- a. Drati Krama utawi Paradara.
 - b. Matilar saking pakubon tan pasadok jantos 6 (enem) sasih.
 - c. Lempas ring swadarmaning sewos sewosan, tan prasida ngesehin solah maprawerti arep ring pituduh sane patut saking kulawarga purusa.
- Palet 3 - Klien Banjar**
- Indik Sentana** nyiarang ring sekawidangan Desa. Sane sapisira ugi rumasa tan lala kampil nyasokang mace.
- Pawos 60** (14 tahun)
- (1) Sentana wenten kolih pawos, sane kaucap prati sentana miwah sentana paperasan.
 - (2) Prati Sentana inggih punika : sentana sane metu saking pawiwahane kapatutan tan bobot kadi kecap ring areng.
 - (3) Prade pawiwahane tan patut ngawetuang sentana, mangda tan kantong kawastaning babinjat utawi astra, yogia solur kamanggala antuk panyangaskara. Pangaskara luire :
 - a. Pacaruan ring jagat: Panca sata di Bale Agung.
 - b. Sentana patut kaperas.
 - c. Danda artha manut pararem.
 - (4) Prade pawiwahan tan ngawetuang sentana kengin ngidih sentana antuk upasaksi sakala niskala, sane kawastanin sentana paperasan.

- (5) Sentana rajeg ingih punika, prati sentana wadon (pradana) sane kamanggehang lanang (purusa) tur risampun ngalaksanayang pawiwahan nyeburin/kaceburin.
- (6) Sang sane dados kaarsayang sentana rajeg inucap wiwit (5), inggih punika :
- a. Prati sentana wadon tunggal .
 - b. Sampun kamanggehang dados prati sentana lanang (purusa).
 - c. Kapiwihan kaceburin, kautamayang olih jadma sane maagama Hindu utawi jadma tios agama sane sampun ngalaksanayang pamarisuda raga utawi sudiwadani.
 - d. Sane angamanggehang sentana rajeg patut masadok ring Prajuru Banjar, tur I Klihan Banjar patut nyobyahang ring Banjar saha ngaturang ring Prajuru Desa.

Pabot 4

Pawos 61

- (1) Ngangkat sentana manut dudonan patut makacihna arta brana pamerasan saha kasaksiang sakala niskala.
- (2) Sapasira ugi pacang ngidih sentana patut masadok ring Bendesa sanistane 3 (tigang) sasih sadereng pamerasan.
- (3) Bendesa kawakilan olih kelian-kelian Banjar numusang ring sang ngawawenang, pungkuran nyiarang ring sawawidangan Desa. Sang sapasira ugi rumasa tan lila mangda nyadokang masengker kolih wuku (14 rahina) sadereng pamerasan ring Bendesa.
- (4) Dulun Desa digelis mawosin saha ngicenin pamutus nepek ring dresta miwah pararem.
- (5) Prade sulur pamerasan tan manut kadi kecap ring ajeng, Dulun Desa wenang ngandeg sang pacang makarya saha ngicenin pamutus mangda kapuputang riin bebawos sulur utawi wicarane.

Pawos 64

Pawos 62

- (1) Paperasan sane kapatut ring Desa Adat Pengosekan risampun makacihna :
 - a. Widi widana pamerasan saha ilikita pastika saking sang ngawawenang.

- b. Kasaksinin olih Dulun Desa sane makelingang utawi ngilikitayang.
 - c. Kasiarang ring wawidangan Desane.
- (2) Sane kapatut angge sentana sakadi ring sor :
- a. Jadma maagama Hindu.
 - b. Papernahan nedunang saking sang meras.
 - c. Kulawarga saking purusa, prade tan wenten, kengin saking wadon, yening taler tan wenten, wawu kengin sakama kama (saking kayun).
 - d. Kautamayang saking waris pancer purusa.
 - e. Sinilih tunggil mawiwit saking kulawarga tunggal sanggah utawi mrajan, palbon lan dadia utawi ngambil anak-tios sakewanten sang maagama Hindu.

Palet 4

Indik Warisan

- Pawos 63
- (1) Warisan inggih punika tetamian arta brana utang-utang saha ayah-ayah ngulati kasukertan sakala niskala saking kaluhurania arep ring turunania.
- (2) Sane sinanggeh warisan luire :
- a. Due tengah makadi karang ayahan Desa, kahyangan.
 - b. Pamrajan.
 - c. Pagunakayan, tadtadan/jiwadana, utang piutang.
- (3) Wawu kabawos warisan prade wenten :
- a. Sang mapiturun (pawaris)
 - b. Katurunan (ahli waris)
- (4) Arta brana, piutang miwah tategenan (ayah-ayahan) makacihna warisan.

Pawos 64

- (1) Ahli waris luire :
- a. Prati sentana purusa.
 - b. Prati sentana pradana (sentana rajeg).
 - c. Sentana paperasan lanang/wadon.
- (2) Prade tan wenten kadi ring ajeng, sane sinanggeh ahli waris :

- a. Turunan purusa pernah ngunggahang makadi rerama lanang, pekak, salantur ipun rerama misan mindon.
- b. Turunan purusa pernah kasamping makadi kaponakan misan mindon.

Pawos' 65

Swadarmaning ahli waris patut :

- a. Nerima saha nguasayang tetamian pahan saking laluhurnia, makadi ngarempon sanggah, pura saha pangupa karania miwah nyelidihin ayah-ayahan/tategenan.
- b. Ngabenang pawaris saha ngelanturang upacara upakara.
- c. Pitra.
- c. Nawurin utang-utang pawaris sané manut pangeloika.

Pawos 66

Pangepahan waris manut sakadi ring sor :

- a. Risampun kalaksanayang Pitra Yadnya lan utang-utang pawaris buntas katawur.
- b. Para ahli waris polih pahan pada sangkaning pagunakayan. Sajabaning karang/tegal ayahan Desa kaamong olih ahli waris sang sinanggeh krama ngarep utawi krama ngempi.
- c. Sinolih tunggil ahli waris kengin tan polih pahan prade :

- 1) Nilar kawitan lan sesananing agama.
- 2) Alpaka guru rupaka.
- 3) Sentana rajeg kesah mawiwaha utawi prati sentana nyeburin soang-soang kabawos ninggal kadaton.

d. Boya ahli waris kengin muponin hasil manut dudonan

luire :

- 1) Sentana luh, salami dereng kesah mawiwaha utawi tan alpaka guru miwah prade maderbe pianak tan kaangkenin olih wong tua rare inucap kengin ngawaris wantah pikolih (paguna kayan) reramannyane.

- 2) Balu luh wiadin muani nyeburin (soang-soang boya sentana).
- e. Pawaris kengin maweweh rikala maurip pinaka jiwa dana, tadtadan/bekel, makacihna paweweh tetep ring pianak sane kesah mawiwaha.

Pawos 67

- (1) Prade sajeroning pakulawargan wenten ahli waris langkungan ring adiri patut :
- Kawentenang paigum indik padum waris inucap.
 - Yan tan prasida katunasang tatimbang ring Prajuru (kerta Desa). Indik Pamidanda
 - Prade taler tan wenten cumpu ring panepas Kerta Desa, kengin katumusang ring sang rumawos.
- (2) Prade jantos karang Desa kasepih patut soang-soang nedunin makrama Desa marep.
- (3) Mabak lawang, prade wenten krama ngenahin karang, tegal, carik saha madruwe pamrajan patut sakadi ayah marep.
- (4) Prade karang inucap kaputusan patut dulu-dulu nibakang ring :
- Sang sinanggeh ahli waris manut pawos 64.
 - Sang kengin anggon sentana manut pawos 62 (2 lan 3).
 - Prade taler tan wenten cumpu ring panepas Kerta Desa kengin katunasang ring sang rumawos.

SARGA VI

WICARA LAN PAMIDANDA

Palet 1.

Indik Wicara

Pawos 68

- (1) Sane wenang mawosin makadi mutusang wicara ring Desa inggih punika Prajuru/Dulun Desa sinanggeh Kerta Desa.
- (2) Prade sang mawicara tan wenten cumpu ring pamutus Kerta Desa, kengin nunasang wicara inucap ring sang rumawos.

Pawos 69

- (1) Sahanan wicara mawiwit kacorahan saka luire sinanggeh nungkasin daging awig-awig miwah pararem/Banjar, Dulu/Prajuru patut digelis mawosin, tan nyantos pasadok.
- (2) Sajaba wicara sakadi ring ajeng patut nyantosang sang nunas bawos.
- (3) Panepase patut pastika nyantenang iwang patut malarapan Tri Pramana (saksi, ilikita, bukti) miwah tan maren nepek ring Catur Dresta.

Palet 2

Indik Pamidanda

Pawos 70

- (1) Desa/Banjar wenang niwakang pamidanda ring warga Desane/Banjar sane sisip.
- (2) Paniwak inucap kalaksanayang olih Bendesa/Kelian Banjar.
- (3) Bacakan pamidanda luire :
 - a. Danda Arta
 - b. Panyangaskara
 - c. Kanoroyang
- (4) Pamidanda sane katiwakang patut masor singgih manut ring kasisipane.
- (5) Jinah utawi raja brana pamidanda, ngeranjing dados druwen Desa/Banjar.

Pawos 71

- (1) Krama sane langkung ring tigang paruman ngalantur tan nawur urunan, dadendane wenang karampas.
- (2) Parampasan ngangge tata cara kadi ring sor :
 - a. Kalaksanayang olih Prajuru/Dulu kasarengin olih krama Deda tigang diri pinaka saksi.
 - b. Sang ngarampas sangkaning darsana ngambil barang utawi nyawenin tanem tuwuh, akehnia manut ring utang sang karampas.
 - c. Prajuru/Dulu miteketang mangda barang-barang sane karampas digelis katebus masengker awuku (7 rahina), ring kutus (8) rahinane pacang kaadol.

- d. Tan nganinin saluwir barang-barang sane patut inggilang manut agama miwah mademang pangupa jiwa sang karampas.

Pawos 72

- (1) Prade sang pacang karampas ngawara (ngalanging) palaksanane inucap mawastu sampun tan nganutin awig-awig Desa Adat Pengosekan, wicara punika katur ring sang rumawos.
- (2) Pamidanda inucap ring ajeng keni buntas risampun sang kakeninin :
- a. Nunas geng pangampura ring Krama Desa riantukan nguak pasubaya (pararem) pecak.
- b. Nawur pangargan panguak pasubayane duk pacang karampas kadulurin panebus kaiwangane ring Desa.

SARGA VII

NGUWAH NGUWUHIN AWIG-AWIG

Pawos 73

- (1) Nguwah nguwuhin awig-awig Desa Adat Pengosekan puniki kalaksanayang ring Paruman Desa.
- (2) Awig-awig Desa Adat Pengosekan puniki kamargiang ngawit saking kaingkupin (kararemin).

Pawos 74

- (1) Sakaluring sane wenten, saderengnia patut kaanutang ring sadaging awig-awig puniki.
- (2) Sakaluring sane durung kasurat ring sajeroning awig-awig puniki patut kalaksanayang manut tata cara sane sampun ketah mamargi kadulurin antuk pararem-pararem.

Mengetahui dan telah dicatatkan

tanggal : 28 Maret 1947
: 5 Januari 1947

RA DERAH TINGGI

YOKYAKARTA, GEM. BUDI SURYODANA

SARGA VIII
PAMUPUT


Pawos 75

- (1) Awig-qwig puniki kararemin duk rahina Redite, Wage, Krulut, Sasih Kasanga utawi tanggal 30 Maret 1997.
- (2) Awig-awig puniki kalinggatanganin olih Bendesa Adat, kasarengin olih Kelian-kelian saha kasaksinin olih Kepala Dusun Pengosekan miwah Kepala Desa Mas lan Camat Ubud.
- (3) Luir sang ngalinggatanganin :


Kawarmana Prajuru Desa
(Dewa Nyoman Batuan)

Pinaka saksi-saksi


1. Kepala Dusun
Pengosekan Kaja


(I Dewa Made Sudarsana)

2. Kepala Dusun
Pengosekan Kelod


KEC. UBUD
D. KAJA
KEMERINTAH KABUPATEN GIANYAR
(Ketut Suarta, BA)

3. Kepala Desa Mas


(A.A. Gede Rai Regung)


KEMERINTAH KABUPATEN GIANYAR
CAMAT UBUD
(Ida Bagus Ngurah Gede)

Mengetahui dan telah dicatatkan

Pada tanggal : 29 Maret 1997
: 5 Tahun 1997



BUKORDA GDE BUDI SURYAWAN, SH.